

**O a ni metotia fa'alenua e mafai ona fa'aaoga e tali atu ai i fesuaiga o le tau?**

O le fa'aaogaina o metotia fa'alenua ma auaunaga fa'a-ekosisitema e tali atu ai i a'afiaga o fesuaiga o le tau.

**O a fa'amanuiaga e maua mai ai?**

O se si'osi'omaga lelei, e mautinoa le malutia ai o punavai e maua ai le suavai mama, mea taumafa ma isi 'oa fa'alenua. Ua ta'ua nei 'oa fa'alenua 'o auaunaga fa'a-ekosisitema' ma e le o aofia ai i tototnu o 'metotia faonapo nei e pei o tanu ma taligalu e puipuia ai mai fesuaiga o le tau.



**E fa'apefea ona fesoasoani auaunaga fa'aekosisitema i tagata o le Pasefika e puipui ma tali atu i fesuaiga o le tau?**

Ia fa'amlosia le puipuia o le siosiomaga faalenua po'o ekosisitema e aofia ai ma puna'oa fa'alenua aemaise o le toe fa'aleleia o ekosisitema ua fa'aleagaina.

Mo se fa'ata'ita'iga, o vaega maupu'epu'e e mafai ona maopoopo ma lelei pe afai e ola lelei ai laau e loloto o latou a'a. E aoga tele nei laau e taofia le solo o le palapala pe afai ae tetele timuga ma puipuia mai ai nu'u ma a'fioga mai i ni a'afiaga mai i lologa ma elele tafia. O le a fa'apea foi ona fa'aitiitia ai ma a'afiaga i amu o le sami e mafua mai i palapala ma otaota tafia mai vaega maupu'epu'e.

O le puipuia ma le toe totoina o vaomatua o le a fa'ateleina ai pea ona maua la'au mo le fausiaina o fale, meataumafa ma fafie. O le a malu puipuia ai fo'i nofoaga o loo tapu'eina ai le suavai ma fesoasoani le ola lelei o amu ma aau i le sami ma fa'atuputupulaia ai le aofai o i'a maua.

**O fea e maua ai nisi fa'amatalaga?**

O fa'amatalaga ma lomiga i poloketi o lo'o faatinoina galuega tau i puipuiga faalenua e tali atu ai i fesuaiga o le tau, e maua mai i upega o feso'ota'iga: [www.sprep.org](http://www.sprep.org)

Ofisa mo Polokalame o le Si'osi'omaga o le Pasefika  
Pusameli 240, Apia, Samoa. Telefoni: +685 21929 Fesi: +685 20231  
Imeli: [sprep@sprep.org](mailto:sprep@sprep.org)

Manulauti: O le si'osi'omaga o le Pasefika, ua gafatiataulimaina lelei ai le soifua laulelei o tagata ma lona faasinomaga ua ogatasi ma a tatou tu ma agaifanua

**O le fa'aaogaina o tamao'aiga fa'alenua e tali atu ai i a'afiaga o fesui'aiga o le tau**



**O le a le uiga o le tali atu i fesuaiga o le tau?**

O le faatinoga o galuega e faaitiitia ai lamatiaga e ono aafia ai nuu ma a'fioga, fa'alapotopotoga, sosaiete atoa ai ma atina'e e afua mai i fesuaiga o le tau.

**O le a le taimi talafeagai e fa'aaogaina ai auaunaga fa'aekosisitema?**

E tele ni auala esese e mafai ona tali atu ai i fesuaiga o le tau. O le sini autu, ia mafai ona fa'aitiitia lamatiaga ma a'afiaga tuga i soifua o tagata i se auala faigofie ma taugofie mo se taimi umi. E ono mafai ona ausia lea tulaga pe afai e fa'aaogaina auala faonapo nei, po'o auala e fa'aaogaina ai auaunaga fa'aekosisitema, po'o auala o lo'o tu'ufa'atasia ai auala uma ia e lua.

E mafai ona iloilo nei auala po'o metotia e fa'aaogaina ai auaunaga fa'aekosisitema fa'atasi ma auala fa'aonapo nei pe afai e mataituina lo latou fa'aaogaina i poloketi ma polokalame faalauiloa ina ia mafai ona filifili po'o fea le auala e talafeagai ma pito sili ona lelei e tali atu ai i fesuaiga o le tau.



## Nu'u e le o iai ni puipuiga e tali atu ai i fesuaiga o le tau

- ✗ Tele le tulaga e ono lamatia ai mai i a'afiaga i fesuaiga o le tau
- ✗ E le o lelei ona puipuia auaunaga fa'a-ekosisitema

## Nu'u ua fa'atinoina auala po'o metotia faaonapo nei e tali atu ai i fesuaiga o le tau

- ✓ E mafai ona fa'a'itiitia ai mea e ono fa'aleagaina
- ✗ E le puipuia pe vaaia lelei auaunaga fa'a-ekosisitema

## Nu'u o loo fa'aaogaina auaunaga faaekosisitema e tali atu ai i fesuaiga o le tau

- ✓ O puipuiga fa'alenua e fa'a'itiitia aia'afiaga o fesuaiga o le tau
- ✓ E iai foi isi aoga o le fa'aaogaina o puipuiga fa'alenua po'o auala fa'a-ekosisitema



### ATUMAUGA

#### Taina o Vaomatua:

- fa'apogai o eleele solo & lologa i nofoaga mauaialalo
- e fa'a'itiitia ai le ola fa'alenua o manu ma laau

### AUVAI O VAITAFE

#### Aveesea o vaomatua i auvai o vaitafe:

- e fa'a'itiitia ai le suavai mama
- e fa'atupula'ia ai lamatiaga mai i lologa

### TALAFATAI

#### Fa'aletonu le puleaina o nofoaga e tapu'eina ai le suavai maua:

- e fa'a'itiitia ai le suavai mama e maua
- e fa'atama'ia ai le ola lelei o i'a ma a'au

### SAMI

#### Aveesea laau o le talafatai & togatogo:

- e aafia i eleele tafai ma lologa pe a siisi le suasami
- e fa'aleagaina ai nofoaga e fofoa ai i'a ma figota

#### Fa'aleleia alavai:

- e fa'a'itiitia ai eleele tafai ma toe faatutumuina ai punavai o loo ile manava o le eleele
- peita'i, e fa'atuputupula'ia ai le tafai o le palapala ma aga'i atu i vaitafe ma aau

#### Fausia auvai, fa'a loloto & faalelei le fetafea'i o vaitafe:

- e fa'a'itiitia ai a'afiaga mai i lologa - peita'i e ave ma fa'apogai o le fa'aleagaina o le suavai & fa'atama'ia ai le ola fa'anatura o manu ma laau

#### Taligalu ma Tanu o le talafatai:

- e fa'a'itiitia ai le eleele tafai i vaega o loo fausia ai
- peita'i e ave ma fa'apogai o le tafai o le eleele i nofoaga e lata ane, ma fa'aleagaina ai apitaga fa'alenua o i'a ma figota--o ogasima ma ala e ono tafefeai i ga'uta i taimi o sunami ma galuafa.

#### Fa'atuputupula'a le aofai o i'a fa'asao & mafai one fa'aaogaina metotia fa'afaigafaiva fa'aonaponei:

- maua ai isi ituaiga i'a e sui ai i'a ua fa'a'itiitia lo latou aofa'i

#### Vaomatua ola lausiusi & vaomatua ua toe totō:

- e fa'a'itiitia ai a'afiaga mai i eleele tafai & fa'a'itiitia le tafe atu o palapala ma faaleagaina ai vaitafe ma aau
- e maua ai la'au mo le fausia o fale, meataumafa, fafie & le pu'eina o le kaponi

#### Vaomatua ola lausiusi & vaomatua ua toe toto i auvai o vaitafe:

- e fa'a'itiitia ai le palapala tafai ma lologa
- e puipuia ai punavai mo le suavai mama & le ola fa'alenua o manu ma laau

#### Vaomatua ola lausiusi & le toe totoina o laau i le talafatai & togatogo:

- fa'a'itiitia eleele tafai & lologa - maua ai la'au mo le fausiaina o fale, meataumafa ma fafie & pu'eina o le kaponi

#### Puleaina lelei o le siosiomaga afua mai i atumauga e oo atu i le aau:

- puipuia ai nofoaga fa'alenua o loo fofoa ai ia ma figota & le ola fa'anatura o manu ma laau
- fesoasoania i le ola lelei o i'a ma figota, amu ma aau.